

**UDRUŽENJE PORODICA I
PRIJATELJA NESTALIH
OSOBA "SUZA"**

**OKVIRNI PROGRAM RADA I FINANSIJSKI PLAN UDRUŽENJA
PORODICA I PRIJATELJA NESTALIH OSOBA "SUZA"
ZA PERIOD 2012-2015 GODINA**

Obrađivč:

Predsjednica Maida Ćurevac

Sarajevo, maja 2012. godine

1. UVOD

Zbog iskazanog nezadovoljstva porodica nestalih osoba, rezultatima rada, prvenstveno, Instituta za traženje nestalih osoba, ali i drugih nadležnih u BiH u proteklih 15 godina, kao i pravdanja nepronalaženja nestalih, nedostatkom pouzdanih informacija o lokalitetima pojedinačnih i masovnih grobnica, porodice i prijatelji nestalih sa područja Rogatice, donijele su Odluku o formiranju Udruženja porodica i prijatelja nestalih osoba "Suza" radi traženja i pojačanja traženja nestalih.

Broj Odluke o osnivanju Udruženja porodica i prijatelja nestalih osoba "Suza" sa područja općine Rogatica je: 02/11 od 01.12.2011. godine.

Dakle, Udruženje je prvenstveno formirano da bi se ubrzao proces traženja nestalih, odnosno, da se radi na prikupljanju informacija o lokacijama grobnica i da se iste ustupe nadležnim institucijama.

Poštujući Zakon o nestalim licima BiH (član 3. "pravo da se zna", član 4. "obaveza osiguranja informacija", član 5. "način razmjene informacija", član 6. "obaveznost razmjene i saradnja", član 23. "zaštita podataka") Udruženje "Suza" je definisalo kroz svoj Program rada, poslove i zadatke u skladu sa Zakonom o nestalim licima BiH, a koje ne derogiraju rad Instituta BiH već mu pomažu u radu.

2. PROGRAM RADA UDRUŽENJA ZA PERIOD 2012-2015 GODINA

Program rada Udruženja za period 2012-2015. godinu donosi se na početku mandatnog perioda.

Program rada u ovom mandatnom periodu obuhvata:

1. Pomoć i koordinacija aktivnosti na pronalaženju nestalih osoba;
2. Prikupljanje informacija o sudbini nestalih osoba i formiranje baze podataka;
3. Prikupljanje video i audio snimaka, fotografija, izjava i svjedočenja kao i ostalih materijalnih dokaza o nestalim i dostavljanje istih nadležnim organima na postupanje;
4. Rad na spiskovima žrtava 1992-1995;
5. Obilježavanje stratišta ubijenih i nestalih;
6. Organizovanje različitih vidova edukacije članova Udruženja;
7. Saradnja i koordinacija sa svim institucijama i drugim organima i organizacijama u BiH i međunarodnim organizacijama radi ostvarivanja ciljeva Udruženja;
8. Razmjena iskustava sa istim ili sličnim udruženjima u BiH i inostranstvu radi ostvarivanja ciljeva Udruženja;
9. Praćenje ljudskih prava, uočavanje pojava kršenja ljudskih prava i zalaganje za zaštitu istih;
10. Zalaganje za dijalog različitih kultura;
11. Izdavanje knjiga, časopisa, brošura i drugih publikacija radi ostvarivanja ciljeva Udruženja, u skladu sa Zakonom.

Udruženje nije formirano da bi se tražili samo Bošnjaci, već i nestali Hrvati i Srbi.

U Udruženju se nalaze iskusni i visokoprofesionalni ljudi koji nisu opterećeni s tim da će biti pronađena grobnica Srba, Hrvata ili Bošnjaka.

Svi podaci do kojih dođu službenici Udruženja biće profesionalno obrađeni i dostavljeni Tužilaštvu BiH i Institutu za nestala lica BiH.

3. FINANSIJSKI PLAN ZA PERIOD 2012-2015

Zakonom o nestalim licima ("Službeni glasnik BiH", broj: 50/04 članom 19. utvrđeno je da nadležne vlasti u BiH, u skladu sa ovim zakonom, imaju obavezu da zahtjeve za finansijsku i tehničku pomoć saveza/udruženja porodica nestalih lica prioritarno razmotre i prema finansijskim mogućnostima dodijele pomoć ako ponuđeni programi ili projekti ispunjavaju propisane kriterijume za dodjelu pomoći.

Statutom Udruženja "Suza" članom 19. predviđena je naknada od članstva čija će se visina utvrditi Odlukom Skupštine Udruženja. Istim članom Statuta je utvrđeno da će se Udruženje "Suza" finansirati donacijama i subvencijama države.

U skladu sa naprijed navedenim, sačinjen je Okvirni finansijski plan prihoda i rashoda za period 2012- 2015. godine, koji je baziran na planiranoj mjesečnoj naknadi u članstvu Udruženja "Suza" do 2 KM mjesečno, startnim brojem od 125 članova Udruženja "Suza" i planiranim rastom prihoda i rashoda od 10% godišnje. Istom stopom planiran je i rast učlanjenja..

Tako planirani prihodi i rashodi za, mandatni, okvirni finansijski plan za period 2012-2015 prema opisanom načinu planiranja izgleda kako slijedi:

- u KM-

KONT O	PRIHODI-NAKNADE I RASHODI	2012.	2013.	2014.	2015	UKUPNO
	A.UKUPNO PRIHODI	38.000	41.800	45.980	50578	176.358
410	Prihodi od članarina	3.000	3.300	3.630	3.993	13.923
411	Prihodi iz budžeta - subvencija	20.000	22.000	24.200	26.620	92.820
412	Humanitarni prihodi od donacija	15.000	16.500	18.150	19.965	69.615
417	Prihodi od vlastite aktivnosti	-	-	-	-	-
418	Ostali prihodi	-	-	-	-	-
419	Raspored prihoda	-	-	-	-	-
	B. UKUPNI RASHODI	37.000	40.700	44.770	49.247	171.717
000	Opremanje ureda:kompjuter,tel, I dr	10.000	11.000	12.100	13.310	46.410
400	Materijal I energija	5.000	5.500	6.050	6.655	23.205
401	Usluge	1.000	1.100	1.210	1.331	4.641
402	Primanja angažovanih članova za rad	2.000	2.200	2.420	2.662	9.282
403	Amortizacija	-	-	-	-	-
404	Kamata I premije osiguranja	-	-	-	-	-
405	Putni troškovi	5.000	5.500	6.050	6.655	23.205
406	Projektni rashodi	10.000	11.000	12.100	13.310	46.410
407	Porezi i doprinosi	-	-	-	-	-
408	Ostali rashodi	4.000	4.400	4.840	5.324	18.564
409	Raspored rashoda	-	-	-	-	-
	C. RAZLIKA PRIHODA I RASHODA (A-B)	1.000	1.100	1.210	1.331	4.641
-	Ukupan broj uključenih članova	125	138	151	166	580

Planiranim prihodima omogućiti će se finansiranje programa i projekata koji imaju za cilj smanjenje kulminiranog nezadovoljstva članova nestalih porodica sa područja općine Rogatica, koji u velikom broju, ni nakon 20 godina, nakon njihovog nestanka, nisu pronašli svoje najmilije. Osiguraće se jačanje ljudskih prava, smanjiti će se pojave kršenja ljudskih prava, poboljšaće se zaštita ljudskih prava i unaprijediti će se dijalog različitih kultura.

4. PRVI GODIŠNJI PROGRAM RADA

Udruženje donosi na početku svake godine i godišnji program rada.

U godišnjem programu rada, Udruženje "Suza" će analitički i detaljno prezentirati pojedinačne djelatnosti Udruženja.

Udruženje će svoj rad u 2012. godini temeljiti na zakonskim i statutarnim osnovama.

U skladu s tim, strateški pravci djelovanja Udruženja biće usmjereni na:

1. Strategiju razvoja Udruženja;
2. Prikupljanje informacija o sudbini nestalih osoba i formiranje baze podataka;
3. Saradnju i koordinaciju sa institucijama, na svim nivoima, u otkrivanju lokacija grobnica i njihova prijava nadležnim organima;
4. Rad na spiskovima žrtava 1992.-1995., a posebno na spisku nestalih, i njihovo stalno ažuriranje;
5. Saradnja i koordinacija sa organima i organizacijama u BiH i međunarodnim organizacijama radi ostvarivanja ciljeva Udruženja;

Pored navedenog Udruženje će kroz svoje djelovanje doprinositi i ubrzanju reformi u Bosni i Hercegovini na putu ka Evropskoj Uniji, kroz process afirmacije suživota B-H naroda.

Udruženje će raditi na intenziviranju međunacionalnog pomirenja, zaustavljanju negativnih trendova nacionalne netrpeljivosti, povećanju životnog standarda i smanjenju siromaštva.

Udruženje će raditi na jačanju unutrašnje društvene stabilnosti Bosne i Hercegovine, što će se postići prvenstveno: jačanjem demokratskih odnosa, vladavinom prava, građanskim i vjerskim slobodama, jednakošću i ravnopravnošću naroda i građana, jačanjem mehanizama sigurnosti i zaštite građana, jačanjem državnih institucija i povjerenja građana, zatim borbi protiv korupcije i kriminala, osiguranjem socijalnih prava, poticajima mladim povratnicima i dr.

I pored izuzetno teških uslova privređivanja, procjena je da će ključni makroekonomski pokazatelji razvoja u 2012. Godini u BiH imati tendenciju blagog rasta. Na ovakav zaključak navode nas programi, projekti i aktivnosti u BiH, koji su predviđeni da se realizuju u 2012. godini. Članovi Udruženja "Suza" će dati svoj maksimalni doprinos za ostvarenje predviđenih tendencija.

Da bi se poslovi Udruženja iz svih predviđenih oblasti obavljali kvalitetno i blagovremeno, potrebno je obezbijediti osnovne materijalno tehničke pretpostavke za rad Udruženja kao što su:

- Obezbijediti pored kadrovskih i tehničke pretpostavke,
- Obezbijediti prostor za rad i druge elemente u procesu rada, da bi se zadovoljili postavljeni ciljevi, i blagovremeno ispunile sve zakonske obaveze vezane za pravljenje općih i izvještajnih dokumenata i periodičnih i završnih obračuna Udruženja;
- Nastojati obezbijediti stabilne uslove finansiranja Udruženja, koji će predstavljati realniju podlogu za izradu i donošenje Programa rada i finansijskog plana,

- U 2012. godini Skupština Udruženja će donijeti Odluku o visini članarine, a u budućnosti planirati i donošenje cjenovnika svojih usluga, koje će davati drugim korisnicima, koji nisu članovi udruženja.

Do obezbijeđenja materijalno tehničkih sredstava, u početnoj fazi rada, svi članovi Udruženja će se maksimalno zalagati, u granicama svojih mogućnosti, na ostvarenju ključnih programskih ciljeva Udruženja.

Od svih građana naše općine, bili oni u zemlji ili dijaspori, očekujemo takođe maksimalnu pomoć i zalaganje u ovom poslu.

Broj: P-04-1/2012
31. maja 2012. Godine

Sarajevo

Predsjednica

Maida Ćurevac, s.r. _____

Na osnovu člana 27. Statuta Udruženja porodica i prijatelja nestalih osoba „Suza“, stava 4. Skupština Udruženja porodica i prijatelja nestalih osoba „Suza“, na 2. Sjednici, održanojjuna 2012. godine, na prijedlog Predsjednice Udruženja porodica i prijatelja nestalih osoba „Suza“, donosi

ODLUKU

O DAVANJU SAGLASNOSTU NA OKVIRNI PROGRAM RADA I FINANSIJSKI PLAN UDRUŽENJA PORODICA I PRIJATELJA NESTALIH OSOBA „SUZA“ ZA PERIOD 2012-2015 GODINA

I

Daje se saglasnost na Okvirni program rada i finansijski plan Udruženja porodica i prijatelja nestalih osoba „Suza“ za period 2012-2015 godina.

II

Okvirni program rada i finansijski plan iz tačke I Odluke je sastavni dio ove Odluke.

III

Za realizaciju ove Odluke zadužuje se članovi Udruženja „Suza“, svako u okviru svojih ovlašćenja i nadležnosti.

IV

Ova Odluka stupa na snagu narednog dana od dana donošenja.

Broj: SU-01-1/2012

Predsjednik

Sarajevo,juna 2012.godine

Fadil Lutvić